



衛生家寶產科備要卷第五

產科雜方

催生如聖散此壹方廬江劉寶助教

經効名方

黃蜀葵花不拘多少

右壹味焙乾為細末每服貳錢熟湯放溫調下神妙或有漏血胎臟乾澁難產痛劇者併進叁服良久腹中氣寬胎滑即時產下如無花只用黃蜀葵子爛研小半合以酒調濾去滓溫飲尤佳

產五

救生散安胎益氣易產

人參

去蘆切片

訶子

濕紙裹煨熟去核

白朮

剉炒

陳橘皮

去白炒

大麥蘖

炒黃

神麴

細剉炒黃色

各半兩

右為細末每服貳錢水壹盞煎陸分溫服入月加壹倍用水貳盞煎壹盞溫溫空心服之能令兒緊小乳母無患



○罩胎散治婦人妊娠傷寒遍身大熱  
悶亂躁渴痰甚則蒸損胎臟廬江劉寶  
助教名方

捲荷葉壹兩 嫩者焙  
乾秤

蚌粉花半兩 好細白  
者秤

右爲細末入粉研勻每服貳錢以新  
汲水用蜜調下日進兩服

○二聖散產前則安胎產後治惡血不盡及

胎衣不下

產五

二

羌活 洗去  
苗剉

川芎 洗剉

右等分爲細末每服貳大錢酒少許

水柴分煎柴沸溫服

羌活散治妊娠患時疾

羌活 去苗  
剉碎

荆芥穗 不見  
火燉

赤茯苓 去皮  
剉碎

川芎 洗剉

宣州乾葛 剉焙

陳皮 去穰  
剉

甘草 炙剉

川升麻 剉

各壹兩

右爲細末每服叁錢水壹盞半入生

薑伍片薄荷拾葉同煎至壹盞稍熱服不以時候

黃金散治妊娠患時疾

黃芩尖如錐者 鬱金剉 各壹兩

右爲末每服壹錢板藍根地黃水調下汗出効未得汗再服卽瘥又用鷄卵墜井至泥隔宿取出吞之必無虞矣  
薑粉散纔產服此藥蕩盡兒枕除百

病源

產五

三

當歸洗去蘆須切焙

官桂去皮不見火

人參去蘆切片

茯苓白者去黑皮

甘草炙

芍藥洗淨

知母潤者切炒

川芎洗

大黃略炒

黃耆蜜炙

木香不見火

草豆蔻去殼

白朮剉焙

訶子煨熟去核

高良薑剉炒

青橘皮去穢

熟乾地黄洗酒浸焙

右除地黃外各等分剉焙乾次用附子壹箇結實半兩者炮裂去皮臍切生薑壹斤研取自然汁於碗器中停留壹食久傾去清汁取下面粉腳攤在蕪葉中入焙籠焙乾同眾藥擣羅爲末纔產後用藥末叁錢水壹盞薑叁片棗子壹箇擘開同煎至柒分乘熱喫如喫藥之後自然產母睡着半日以來睡覺再服全除卻腹痛壹日

產五

四

只可叁服至玖服不可服恐肚中冷也

香蓮散治產後咳噁

石蓮拾箇

炒熟

丁香拾箇

右爲末用水叁合煎拾沸溫服

地黃散治產後血痛如刀刺

熟乾地黃

洗酒浸焙

橘皮

去白剉焙

右件等分爲末每服壹錢粥飲調下

尋常痛發可常服

香脂散治產後吐噁不止

狗膽壹箇 硃砂

右爲末以狗膽圓如白豆大每服壹

圓生薑水磨下麩米壹合入葱椒煮

血竭散治產後百疾廬江劉寶助教

名方

血竭

沒藥 剪碎

右等分輕手研細頻羅再研取盡爲  
度每服貳錢用小便合和細酒半大

產五

五

蓋煎壹貳沸溫調下纔產下壹服上  
牀良久再服其惡血自循下行更不  
衝上免生百疾

產後發熱名曰褥勞用猪腰子作粥治之  
猪腰子壹隻去白膜薄切作柳葉片子  
少鹽酒拌之先用粳米壹合入葱椒煮  
粥鹽醋調和將腰子鋪碗底用熟粥蓋  
之如作盒生粥狀喫之每日空心做喫

極妙

論十八論中治產前後患蒲黃黑神  
散功效

第一產因熱疾胎死腹中胎死身卽冷  
口角沫出爪甲青黑色四肢逆冷但  
服此藥煖其死胎須臾自出

第二難產或橫生逆生胎衣不下此藥  
並治

第三產後衣不下但服此藥逐出衣中  
血遂自出如衣帶斷亦同

產五

六

第四血暈醫人不識呼爲暗風但服此  
藥立瘥

第五口乾心悶醫人呼爲育膈不利此  
名血結但服此藥立瘥

第六乍寒乍熱醫人不識呼爲瘧疾但  
服此藥立瘥

第七產後四肢虛腫醫人不識呼爲水  
氣蓋血氣隔四肢寒但先服此藥立  
瘥後服轉藥瀉了惡物轉藥謂之黑

神圓娘癩頭赤面赤宜服此藥

第八產後乍見神鬼醫人不識呼為風

邪但服此藥即瘥

第九產後月內不語但服此藥即瘥

第十產後腹痛兼瀉痢急服此藥後服

調中湯

調中湯是止瀉石  
灰散出產乳經中

第十一產後遍身疼痛但服此藥瘥

第十二產後小便出血大便祕澁人多

作五淋治不愈但服此藥瘥

產五

七

第十三產後血崩謂惡露未盡久不治

之及食鹹酸所致若腹似痛時稍難

治肝家熱背筋急急服此藥後服黑

神圓瘥

第十四產後血氣不通上氣喘嗽多睡

謂滿月後月脉未通食熱麵壅結成

疾或有氣塊發時衝心心痛氣急咳

嗽四肢無力乍汗出心痛月候不來

名曰敗癥腹痛遶臍面赤宜服此藥



通即瘥食變并腹中熾命艱難與類觀

第十五產後心腹脹滿嘔逆不定醫呼

為翻胃不愈急服此藥吐出胃中惡

穢物即瘥皆因血氣而重歸中氣對非

第十六產後口鼻黑色氣起及鼻衄

黑不治或口鼻紫赤之端末大抵虛弱

第十七產後喉中氣急喘不治

第十八產後中風為無故下牀百日之內

傷房室或因著灸有驚臟腑中風之

產下

時眼澁腰背筋急角弓反張牙關閉

定不可治也

蒲黃黑神散方已見第一論末

黑神圓方已見第十二論末

產前後十八論烏金散

婦人萬病皆因血氣而生就中產後乖

違誠難救療百日之內變證尤多或坐

卽運絕臥卽口乾經日多言還應心悶

或傷熱食變作崩中飲冷服涼便成腰

痛敗血入腹則脅脹虛鳴惡露上衝乃  
或嘔噦脾之受血發則傷寒肝氣有邪  
卽多噎怒肺之被撓氣悶喘竈胃藏未  
安多爲腹脹敗血流走百節酸疼留滯  
四肢皮膚俱腫失音不語還因敗血入  
心散爲淋瀝亦是血之入腹大抵虛弱  
積血所爲三焦不調眾疾皆起每尋方  
卷多不會解就中產前產後之圖難全  
眞訣當貧困之輩或居村中念其急難

產五

九

方當思慮魂勞神悶不知所裁忽見一  
人形兒非常乃言曰余有秘術子其知  
乎不覺惕然瞻敬之際復曰子請存於  
誠信心欲救人事當甚喜吾有產後一  
術名曰烏金方受於子宜保惜之余卽  
跪受要旨頓覺精神爽易事理照覺在  
寤中神授乃依方修合普諧神願遂成  
產後十八方如後

第一論問胎死腹中者何

答曰緣母患染熱疾經六七日間臟腑極熱蒸薰其胎是以子死何以知之身死便冷不居子宮乃墜臍下冷痛口角沫出腹冷爪甲青四肢逆冷命在須臾但以此三服令胎熱須臾自下

第二論問產難者何如  
答曰兒已成形每食母之血候十月當足月血有餘乃結成塊俗呼爲兒

產五

十

枕子欲生時兒枕先破爲敗血散裹子身上固當難產但服此散三服敗血卽散須臾自產或逆產其體不同悉皆治之

第三論問胎衣不下者何

答曰產訖敗血流入胞衣中被血脹固當難下但服此散衣中血散須臾自出若胞衣帶斷亦宜服此散卽下

第四論問血暈產後三日起止不得眼

前自見鬼神或悶絕不識人者何  
荅曰產後三日血氣未安運走五臟  
奔於肺上時人不識呼爲暗風以此  
治之萬無一瘥但服此藥立可安瘥  
第五論問口乾心悶及煩渴者何  
荅曰產後七日以來血氣未定蓋爲  
食於熱麪與血結在心卽渴時人呼  
爲胸膈壅悶若以此治萬無一瘥但  
服此散立瘥

產五

十一

第六論問產後乍寒乍熱及渴者何

荅曰產後虛羸敗血入於肺則熱入  
於脾則寒乃渴時人不識呼爲瘧疾  
若以此治萬無一瘥服此散立瘥

第七論問產後四肢浮腫及寒熱者何

荅曰敗血流入五臟將滿卽四肢停  
留日久卻還不得乃欲爲腫時人不  
識呼爲水腫且如水腫與血腫不同  
何以明之水氣喘而小便澁血氣渴

而四肢寒先服此散次服宣元瀉下  
惡物自瘥宣元是黑神圓血不安益  
第八論問言語顛狂無度若見鬼神或  
寒熱及渴者何且問驚悸命水水與  
荅曰產後敗血衝心心不受邪觸被  
敗血蒸薰心悶蒸熱煩渴至躁言語  
顛狂時人不識以爲風及神邪所致  
若以此治之萬無一痊但服此散愈  
第九論問產後不語者何手動發熱血

產五

三

荅曰夫人心有七孔三毛產後敗血  
上行流入心孔之中被血閉之即使  
不語時人不先去心孔敗血其病不  
除但服此藥當漸語也胎至難言爾

第十論問產後腹痛及痢者何

荅曰產後未滿月間誤飲冷水水與  
血相和流入大腸大腸受之血遂成  
病水穀不化或泄或脹膿血不定急  
服此散次服調中湯立効宣元瀉下

第十一論問產後遍身疼痛者何

答曰產後百節開張敗血流入四肢留滯日久不散結聚虛脹是致疼痛但服此散遂去百節間敗血須臾自定

第十二論問產後瘀血及小便赤澁大腸痛者何

答曰敗血流入小腸閉卻水道卽小便艱澁流入大腸閉卻肛門是致大小便俱難醫人不識呼爲五淋治之

產五

三

萬無一痊但服此散次服黑神圓聚結物出其病立愈

或用洪氏方中排濃內補散依方服立効

第十三論問產後崩中者何

答曰敗血惡露未止日久或食鹹酸之物遂變崩中血結變黑狀似雞肝或時寒熱背膊拘急煩悶名曰崩中宜先服此散次服黑神圓卽安

第十四論問產後血氣不調道路閉塞

兼咳嗽多驚者何

荅曰產後滿月後月經未還不能謹  
忌好食熱麵遂卽成疾積聚結塊發  
卽氣急咳嗽四肢寒熱心悶口乾背  
膊拘急煩躁夜夢驚悸體全無力  
多汗心疼月經不來名爲血癥腹痛  
多睡面色多赤因茲不療遂成骨蒸  
治須子細看此疾狀或服別藥十無  
一應終不得瘥只服此藥其患自退

第十五論問腹肚脹滿吐噎者何

產五

十四

荅曰產後敗血停於脾胃之間氣遂  
相衝不定卽留滯嘔噎胸脇俱脹時  
人不識呼爲飜胃以此治之萬無一存  
急服此藥吐出胃中惡物卽便喫粥

第十六論曰產後口鼻黑色及鼻衄者  
何

荅曰敗血傳入臟腑臟腑旣滿衝於  
頭面卻還不得焦乾白黑見於面色  
衝於鼻卽鼻衄黑起緣產後虛熱甚

變成此狀若別治之萬不得一此名  
心肺敗血宜服此藥

第十七論問產後喘急喉中如貓兒聲  
者何

荅曰敗血衝入心肺氣與血併遂結  
爲塊入於喉中如有此狀急服此藥  
第十八論問產後中風兼有黑血點者何  
荅曰產後七日內下床衝風百日內  
傷房勞或有灸瘡中風取性慢易卽

產五

五

中風也初中之狀氣澁腰痛筋急如  
角弓反張牙關緊急若有此狀卽是  
風邪所入或面色黑遍身赤黑敗血  
流入臟腑臟腑皆滿流入皮膚退反  
不得變成血點或得此變急服此藥  
無有不瘥

宣經圓

巴豆拾伍粒

去皮心膜用生絹袋  
子盛以灰汁煮十餘

沸取出研紙  
壓油了重研



右件先用烏金散參錢以無灰酒調似糖入甃瓶中於重湯內熬成膏入巴豆末同和爲圓如棗豆大熟水下拾伍圓宜了冷粥補之忌毒物

### 烏金散

頭髮灰

男子者不須洗燒灰

鯉魚鱗

燒灰

當歸

焙去蘆須

延胡索

生用

好墨

煨過

內桂

不見火去麤皮

麒麟竭

產五

六

赤芍藥

剉

百草霜

是鍋底刮下者煤

右件玖味等分杵羅爲末每服貳錢溫酒調下又用童子小便半盞生薑壹塊同煎調下入麝香少許更妙

產前所忌藥物盧醫周鼎集以爲歌

蛭斑水蛭地膽蟲

烏頭附子配天雄

躑躅野葛螻蛄類

烏喙側子及蚩蟲

牛黃水銀并巴豆

大戟蛇退共蜈蚣

牛膝藜蘆加薏苡

金石錫粉對雌雄

牙朴芒硝牡丹桂 蜥蜴飛生更螻蟲  
代赭蚱蟬胡粉麝 芫花薇銜草三稜  
槐子牽牛并皂角 桃子鱗鱗和茅根  
欖根硃砂與乾漆 亭長洩疏茵草中  
瞿麥藺茹蟹爪甲 蛻皮鬼箭赤頭紅  
馬刀石蠶衣魚等 半夏天南通草同  
乾薑蒜鷄及鴨子 驢馬兔肉不須供  
切忌婦人產前用 此歌宜記在心胸

衛生家寶產科備要卷第五

衛生家寶產科備要卷第六  
備產濟用方序

婦人產褥之事一有蹉跌爲害不細若因而受疾又非尋常疾病之比氣血既虛更難攻治是宜昔人所留意而不敢忽者也子性喜方藥偶得產方甚多蓋嘗用以取効焉今錄其所得之方及平時所聞之說與夫疾證用藥次第共爲一書以濟人之急難初虞世嘗謂婦人

產六

一

生產須使之自能通曉方爲盡善斯乃至論然間有素無產難之家不知出於偶然心常易之不以介意故緩急之際至於產婦已困而家人未悟者往往有之此幸其無事則可非萬全之道也紹興庚申重陽日三吳外士餘杭虞洸書虞氏備產濟用方

妊娠

婦人妊娠之後或觸冒風冷或飲食不

節或居處失宜或勞動過當少有不和則令胎動不安重者遂致傷墮臨產之際爲患不小豈可不戒也

妊娠三箇月後或疑非胎宜服川芎散妊娠五箇月後宜服滑胎枳殼湯

入月

入月第一日清旦先書借地法貼產婦房內北壁上須清心志誠書之更須避日遊月支諸神等

產六

二

入月後每日進保生圓一服臨產五臟不痛其子易生

凡產閣及藏衣之地並須依方位所利鋪設產閣務要清虛仍須遮塞孔隙無令賊風遊氣可得而入及窗壁仰泥之類並須一一經心照管恐有顛覆種種非意爲害不小入月後須便擇好日爲之倉卒之際無緣周備也

凡合用湯藥須於未產前一月內修合

足備不可倉卒或市諸藥肆或求之醫  
篋產後五臟皆虛藥貴精當恐有雜僞  
反致他疾產婦服食貴在誠潔老娘須  
擇溫善安詳慣熟之人其妄誕揮霍無  
常者去之又有喜驚動人而收已功者  
爲害尤甚不可不知也大抵有孕婦之  
家選擇老娘最爲先務旣得之則令與  
產婦游處情熟入月則令守月不可臨  
時倉卒呼喚卻致誤事又老娘收生風  
俗多有不同閑時宜先令詳說次第或  
有未便欸曲與之商量不可一切任之  
此若選擇得人則上下安心產婦亦免  
憂疑省力萬倍腰生只在家中慣熟妮  
子爲佳若用外人亦須先審問次第然  
後用之亦能爲害不可不謹也

臨產

產婦覺腹痛他人切不得驚忙及亂報  
人知只可令一兩人老成親熟人安慰

相伴亦不得用人多不然則令產婦憂  
怕氣血錯亂生理不和而起百疾  
產婦腹痛時須低心忍耐不可急性燥  
怒起動揮霍皆能令子失道遂致難產  
產婦若只腹痛者未產若連腰痛甚者  
卽產候也  
產婦腹痛雖甚且須令人扶持徐徐不  
住行動若倦亦且扶立時時令行先脫  
產婦常着衣服一件覆竈頭上待子逼

產六

四

生方得蹲坐切不可蹲坐太早太早則  
子在腹中轉動不得遂致難產產婦臨  
產須避太歲所在不得面對太歲蹲坐  
恐致憂禍深戒深戒產婦蹲坐時須要  
四體平正不得稍有偃曲及強嘔氣用  
力亦能令子失道致難產也  
產婦未蹲坐時先須用五積散肆錢加  
順元散貳錢同煎分作兩服用湯煖卻  
不得令冷候蹲坐時令產婦先進一服

如稍覺產遲卽再進一服若一服後便  
產卽不須再服此藥助氣催生他藥所  
不及吾鄉所謂沈家五積散者是也方  
出沈存中內翰宅昔有貨者三百一服  
號爲神藥余家每用之取効但性稍熱  
產婦素協熱者服之產後臟腑須微覺  
燥澁甚者三兩日不通切不可用利性  
藥但調和粥食如後說調養津液生則  
自然流利也

說在產後諸  
證用藥門

產六

五

產後

纔分娩便須急與產婦童子小便一盞  
溫服次進勝金湯一服不可飲酒過量  
緣酒能引血入四肢作病兼新產後臟  
腑虛熱酒入腹中必致昏亂又嘗有人  
用醋墨此雖破血有功然亦傷肺服多  
則因而成嗽余見蜀醫張宗說說有用  
醋墨者下咽疾作此是氣血方虛酸勝  
而生痰不可不戒才分娩便須燒磚石

或炭投醋中三日內嘗令聞猛醋煙氣以防血暈又不得令熟睡須頻頻喚醒緣氣血全虛恐生昏亂分挽後不得便睡且須扶坐移時方可以軟物自腰以上漸漸搯起及高枕起頭項仍須令仰卧立起膝時復令人從心上用手按到臍下如此一日已來方可止恐惡血上行而致暈也兼須加意遮避賊風不可不謹

產六

六

產後所進粥藥不得犯生水以至碗器之類並須用沸湯洗火炙乾方可用產後七日內唯須頻進童子小便及時進白粥如小便難喫則依法漬之自然易喫也七日後方可進少醇酒并些小燒鹽不可用生鹽二七日後漸進些小淡煮極糜爛膾肉三七日後漸食滋味一月後漸進麵食一百日後方可食果實生冷等物產後五臟百脉率皆傷動一



百日後方始如舊常人不自愛惜才到  
滿月便稱平復或不謹飲食或觸冒風  
冷或喜怒高聲或勞動用力氣血未定  
情慾不常此皆致病之由也婦人稟受  
虛實皆緣生產而能移易若能一一如  
法將息補養則有平生虛怯多病而遂  
盛實無病者若不能如法將息補養則  
有平生盛實無病而遂致虛損瘦瘠成  
纏綿不可起之疾者當時不覺意謂不

產六

七

然及歲月成疾又不能推究其由乃謂  
偶爾故婦人產後往往不能加意將攝  
噫臨產之際死生所繫及產難既過漸  
向平復而又不能將息以自保攝遂取  
困厄豈不至愚哉世之任意輕動不能  
調養者多故詳言之

產後諸證用藥例

產後惡露或多或少皆能令人暈悶心

煩滿急

產後惡血攻心則能令人眼生黑花心悶欲絕產後才覺惡心頭旋頭昏多涕唾身如在舟車中此是血暈之候也便以猛醋煙燻及服保生圓勝金湯百草霜散等治血藥則如熟乾地黃生薑芸臺子當歸蒲黃涼沒藥桂心延胡索赤芍藥牡丹皮牛膝川芎麒麟竭之類

產後惡血攻心則荒言亂語驚怕或啼或笑宜服金黃散麒麟竭散等破惡血

產六

八

養好血藥則如琥珀熟乾地黃當歸蒲黃涼赤芍藥之類安心氣則如遠志茯神朱砂麝香之類

產後惡血不絕爲自來經血虛損或產時惡血出不盡留滯腹中先有宿冷遂成淋瀝不止宜服保生圓等如牡礪當歸熟乾地黃艾葉阿膠厚朴乾薑之類性冷藥不可服之

產後因惡物不下或下不盡心腹疼痛

煩悶宜服千金散地黃散桃仁散川芎散勝金湯保生圓等又宜服桂心當歸牛膝牡丹皮虎杖蓬莪菝延胡索赤芍藥之類產後須常體問產婦如所下惡物多卽不須再三進逐惡血藥恐氣血益虛煩悶暈亂及生疾病如覺比尋常少或不行則須急攻之緣血隨氣上行掩於心故令煩悶而心滿急二者得失甚大切在詳審產後大腸祕澁此是產

產六

九

時走津液多腸胃未和乃常事也切不可亂服通利藥但只依尋常服調氣血藥及調粥食常令溫暖細軟依時漸進不得失飢亦勿傷飽氣血調和則腸胃自然平復矣

產後體虛切不可妄進湯藥如別無證候但只與保生圓及調養氣血等藥產後三日起坐不得眼見黑花目或暈絕全不見物者是血氣未安運走五臟

奔疰於肝故也有不識者呼爲暗風悞  
矣宜服黑散子  
產後乍寒乍熱及渴者是產後虛羸敗  
血入心肺則熱入脾則寒不識者呼爲  
瘧疾悞矣宜服黑散子

產後四肢浮腫及寒熱者是產後敗血  
流入五臟五臟將滿流入四肢停留日  
久卻還不得乃化爲水有不識者呼爲  
水氣悞矣血與水氣狀候不同何以明

產六

一

之水氣喘而小便澁血氣渴而四肢沉  
當細辯之宜服黑散子產後言語顛狂  
乍見神鬼時復寒熱及渴者是產後敗  
血衝心心不受觸旣被蒸燻心臟熱極  
遂生此疾不識者呼爲風邪神祟悞矣  
宜服黑散子

產後一臘非時不語者是敗血上衝陷  
入心孔中旣被蔽之便致不語宜服黑  
散子

產後遍身疼痛者是百節開張血莊結處停留不散結聚虛脹是以疼痛宜服黑散子骨間敗血卽去風濕痺痛之類產後雖滿月血氣不通土氣咳嗽痰涎多者經脉未還便不思謹多食熱麵壅結成疾聚卽成塊散卽上衝氣急咳嗽四肢虛熱心悶口乾睡夢多驚四肢無力盜汗心痛月候不調或成血癥環遶臍下或卽面赤因變骨蒸但多服黑散

產六

子卽瘥須急服之此疾難理故也黑散產後敗血停在脾胃食衝於胃胃衝於氣氣衝卽不安便當吐噦育脇俱脹有不識者呼爲翻胃但服黑散子吐出惡物卽瘥

產後中風者是未經七日下床兼百日內傷房事或灸瘡內中風也初中之狀眼澁腰強筋急如角弓反張牙關緊急若此之狀非中風也有此疾者安能救

療婦人傷犯之後其疾甚多不可不戒  
產後面色黑及遍身生黑靨子由敗血  
入皮膚欲出流走熱結便住卻還不得  
遂成黑靨中此者百無一瘥

難產逆產橫產

難產逆產橫產三者皆能立致不測之  
禍然所得多端或先因漏胎血去臙燥  
或子臙宿挾疹疾或觸犯禁忌或產時  
驚動穢露下早子道乾澁產婦疲困或

產六

三

坐臥未安身體斜曲不正轉動忽遽強  
嘔氣暴衝擊或腹有兒枕產時先破遂  
爲敗血散裊其子胎中伏熱故致難產  
也產時未至驚動太早子轉未覺便用  
力產之故致逆產橫產也產婦面赤舌  
青者子死母活面青舌赤沫出者母死  
子活唇口青兩邊沫出者子母俱死身  
更重而熱舌下脉青黑及胎上冷者子

已先死並有方治之在後

胎衣不下  
產婦初時用力產子而體已疲憊不能更用力產胎經停之間外冷乘之則血道乾澁胎衣不下也子臍帶與胞系相連若不下卽須急治之不然則斷臍稽遲子傷冷氣而成病矣舊方胞衣不下恐損子者須依法截臍胎衣不下者腹痛滿則殺人若倉卒無藥卽多食猪脂亦佳

產六

妊娠食忌

食兔肉令子缺唇 食雀肉令子盲

食羊肝令子多患 食鴨子令子倒生

食鼈肉令子項短 食驢肉令子過月

食乾薑蒜令胎不安 已上並妊娠五箇月之後則當忌食

入月借地法

東借十步西借十步南借十步北借十

步上借十步下借十步此中產婦安居

無所妨礙無所畏忌諸神擁護百鬼速

去急急如律令 當辟干虫

古為味夫空亦無煎艾感賦不復發

十二月	十一月	十月	九月	八月	七月	六月	五月	四月	三月	二月	一月
多	半	上	女	日	凶	衣	臥	月	位	圖	方
甲	庚	酉	辛	戌	亥	壬	癸	丑	寅	卯	辰
甲	庚	酉	辛	戌	亥	壬	癸	丑	寅	卯	辰

產六

古

正月	二月	三月	四月	五月	六月	七月	八月	九月	十月
丙	庚	壬	甲	丙	庚	壬	甲	丙	庚
藏	藏	藏	藏	藏	藏	藏	藏	藏	藏
產	產	產	產	產	產	產	產	產	產
壬	庚	丙	甲	壬	庚	丙	甲	壬	庚
藏	藏	藏	藏	藏	藏	藏	藏	藏	藏
產	產	產	產	產	產	產	產	產	產
壬	庚	丙	甲	壬	庚	丙	甲	壬	庚
藏	藏	藏	藏	藏	藏	藏	藏	藏	藏
產	產	產	產	產	產	產	產	產	產

產前諸方

川芎散 三箇月後疑  
非胎即服

川芎壹兩 生用

右為細末空心濃煎艾湯調下貳錢  
腹內微動者當有子也



枳殼湯

五箇月後服  
滑胎易生

商州枳殼貳兩

麩炒  
去穰

石州甘草壹兩

炙

右爲細末每服貳錢百沸湯點空心

食前一日三服或四服唐胡陽公主

每產則經旬痛楚萬法不効服此藥

遂驗自服藥後忌登高廁

此方神妙  
滑胎易產

他藥所不及但其胎緊小微帶黑色  
百日後肉色方漸變白唯產婦素虛

怯者更宜斟酌緣枳  
殼性寒恐難多服也

蟹爪湯 心甚者血從口出逆不得息

產六

五

或注下血胎不出則寒熨人腹中急如  
產狀虛乏少氣困頓欲死煩悶反覆服  
藥母卽得卧下血亦  
止其當產立生神効

蟹爪壹升約伍兩

阿膠貳兩

剉碎  
勿炒

甘草

炙剉

桂心

不見  
火

各貳尺

右以東流水壹升煮取叁分去滓內

膠洋盡能一服佳不能一服者食頃

再服若因急不能飲者灌之藥下子

母俱活子死則母活若不經僵仆下

血服此湯卽止

又方

妊娠偶有所觸或墜高傷打致胎動不安腹中痛不可忍者可服

縮砂壹兩

和皮用淨熨斗於慢火上炒令熱透去皮只用仁

右為細末每服貳錢熱酒調下覺動

處熱即已安矣

又方

胎不穩坐臥不安可服

木賊草

去節

川芎

剉

各壹兩

右為細末每服壹錢水壹大盞入金銀

物同煎至陸分去滓空腹食前日三服

人參圓

婦人妊娠嘔吐不止名為阻病或以尋常治嘔吐藥治之

產六

共

非也宜服此藥

乾薑

炮烈

半夏麴

炒

人參

去蘆切

各壹兩

右為細末薄糊圓如雞頭大每服壹

圓米飲下可加至叁圓此方出仲景

金匱極妙

保生圓

入月後服產前產後一切諸疾悉治

金釵石斛壹分

別杵

秦椒

去目炒

官桂

去皮不見火剉

貝母

去心

乾地黃

洗剉焙乾

防風

去蘆剉

糯米

炒

甘草

剉炒

大麻仁

去殼

大豆卷

黑豆牙是  
不乾曬之

黃芩

剉

各貳分

石膏

明淨  
硬者

麒麟竭

沒藥

去石

龍腦各壹錢半

右件藥並須用州土上等好者擣爲細末以熟蜜陸兩入水壹分同煉令水盡和藥了卻入臼內杵伍百下取

產六

七

出平分柒拾貳圓每服壹圓產前產後血風頭旋身戰薄荷酒下月信不通當歸酒下赤白帶下温酒下臨產難產胎衣不下子死腹中橫產倒生死絕不語但看心頭熱氣在取壹圓京棗湯化開灌入喉中立甦產後惡血不盡臍腹疼痛嘔吐發熱增寒煩悶月候不調或多或少皮膚虛腫惡露不止虛勞中風口噤不語半身不遂

產前產後赤白痢大便祕澁血渴血  
暈狂語見鬼頭痛面色痿黃漸成勞  
瘦飲食無味並用溫酒研下催生當  
歸酒下產後中風血暈生地黃汁同  
煎十沸研藥灌口中禦風但五日壹  
服空心熱酒嚼下浴後溫酒嚼下中  
風不語身急如板用消梨穰薄荷同  
研藥灌口中候汗出了相次揭衣被  
當風坐卧立瘥其餘一切諸疾並用

產六

大

當歸薄荷酒研下清酒亦得小兒天  
弔驚風用藥壹圓分作叁服薄荷酒下

五積散

臨產時服  
助氣催生

蒼朮貳拾兩

桔梗拾兩

去蘆

陳橘皮陸兩

去穰

白芷

去苗

甘草

炙

各叁兩

當歸貳兩

去蘆須  
洗切焙

芎壹兩半

洗剉

芍藥

白者  
剉

白茯苓

去皮  
剉

半夏

湯洗

各壹兩

麻黃

春夏貳兩  
秋冬叁兩

枳殼肆兩

麩炒去  
穰別杵

肉桂

春夏叁兩秋冬肆兩別杵

厚朴貳兩

薑炙別杵

乾薑

春夏壹兩半秋冬貳兩

右拾伍味爲麤末分作陸分大鍋內

煖火炒令微赤香熟卽止不可過焦

取出以淨紙板藉上攤令冷入枳殼

肉桂厚朴三物和之若產婦難產經

三兩日不生胎死腹中或產母氣乏

委頓產道乾澁用藥末貳錢加順元

散壹錢水柒分酒叁分煎至柒分相

產六

五

繼兩服氣血內和卽產胎死者不過

叁服當下其順元放亦須量產婦虛

實用之

又方

只用五積散貳錢入附子末壹錢水

壹盞同煎至柒分無順元散則用此

順元散

烏頭貳兩

炮烈切片

附子

炮去皮臍切片

天南星

炮

各壹兩木香半兩

懷乾剉

右爲末入前五積散同煎服

催生神効聖功散

此藥極滑胎易生其藥煎出婦人多

不愛喫切須令強服催生累得効

榆白皮

取深大根刮去赤皮取粉紅色者去心薄切焙乾秤

滑石各壹兩

沒藥半錢

研

當歸壹分

去蘆洗切

朱砂半錢

別研

右件爲細末次入朱砂再研和勻每

服貳大錢水柒分蓋煎叁兩沸及九

箇月以來方可服如臨產覺陣痛亦

產六

三

依前服自服此藥忌登高廁

催生安胎救命散

烏藥肆兩

別用醋炒黃色

前胡半兩

揀淨

菊花壹兩

去梗

蓬莪茂貳兩

炮乘熟斫碎

當歸半兩

去蘆須洗切焙

右剉碎用好米醋炒乾爲度同爲末

如死胎在腹用炒薑豆淋酒調藥叁

錢連進叁服立下死血衝心炒薑豆

淋酒下貳錢入童子小便半蓋安胎

用熱酒下壹錢血山崩熱酒下壹錢  
產後一切血疾皆可服尋常催生用  
炒薑豆淋酒調參錢只壹兩服立生  
藥須用新磁罐收勿令失氣味

神効催生丹

手臘月兔腦髓壹枚

麝壹錢

別研

乳香末壹分

須黃明者乳鉢內研細末外以冷水浸鉢輕研

出母丁香壹錢

爲末須辛辣如荔枝核大者佳不可用陳者

右一處研細用兔腦髓爲圓如○此

產六

圭

大慢火焙乾磁合收封糊合口不要  
出氣候產婦陣頻以溫丁香湯吞下  
壹圓產婦不痛其子順生男左女右  
手把藥出急洗藥焙令乾凡壹粒可  
用三次合時勿令鷄犬婦人孝子見  
服時婦人閉目取藥產婦閉目吞之

神効

催生如聖圓

乳香

好明淨者研如粉

右以生猪心血和圓如梧桐子大覺  
腹痛時濃煎茅香湯下叁拾圓嚼破  
服端午日合切忌婦人鷄犬見橫倒  
生只壹服此方絕妙

產後諸方

勝金湯

才產了便服去  
惡血止血暈

地黃汁貳分

生薑汁壹分

右用童子小便壹分同煎拾餘沸温  
服地黃生薑須是淨潔沙盆內研取

產六

三

自然汁切不可犯生水

又方

治血暈  
至急

生地黃叁兩

切碎

生薑叁兩

切碎不  
去皮

右貳物相和同炒乾碾爲末每服貳  
錢研木香酒壹盞同煎三兩沸通口

服壓下血立愈

又方

產後血暈欲死及餘血不  
盡被風吹卽變成寒熱

生地黃肆兩

生薑肆兩

右並薄切新瓦乾之爲細末温酒調



下貳錢此二方俱妙

漬小便方

小便難喫用此法漬之

烏梅伍箇

湯內洗淨

炙了甘草末貳錢

炮了乾薑末壹錢

右叁味先於碗內用沸湯少許浸少

時候烏梅軟卽以熱小便壹盞許就

碗內浸令產婦閉氣作壹服服之如

欲再服卽別用烏梅等二依前法重

浸方可服不可更用浸了藥也若產

產六

三

婦才分娩了卽須以童子小便依尋

常與之未可用此法第二次方可用

此法

燒鹽法

初食鹽用此法燒之

好淨鹽不拘多少

右以蕪葉裹作粽子樣於炭火內燒

候鹽通紅如火卽取出放淨地上一

伏時候火氣盡研用

百草霜散

產後血暈可服

百草霜壹錢

秤即鍋底上黑煤也

生薑貳錢

秤去皮切炒乾

薑黃半錢

右為末以生地黄煮濃汁調下貳錢

又方

劉寄奴壹握

劉

甘草半兩

炙劉

右以水壹碗半煎柒分去滓服才覺

血暈喫壹服甚者再服無事覺腹痛

即先煎下恐緩急煎不成也

黑散子

治療見產後諸證用藥門

產六

齒

黑琥珀

別研細

朱砂

別研

京墨

煨通赤放冷用

血苗灰

即鯉魚鱗灰也

新羅白附子

炮烈

百草霜

乃鍋底上黑煤也

黑衣

即竈額上煤也剉掛者亦得又謂之烏龍尾鹽黃灰亦得

各半兩

麝別研極細

白僵蠶

剉炒去絲

川當歸

洗去蘆須切焙

各壹分

右為末每服貳錢炒薑温酒調下

烏金散

產後血暈或惡露不盡死胎不下並可服

大豆

生薑各肆兩

蓬莪茂

剉

當歸

去蘆須洗切焙

黃連須去各壹兩

櫻皮貳兩

右先下生薑大豆炒候薑乾卽下當

歸莪黃連炒看豆紫色透心卽以櫻

皮點火入藥銚中櫻皮盡成黑灰卽

傾地上以紙襯出火毒爲末每服貳錢

童子小便調下產後雖無事服之亦佳

金黃散

產後惡血攻心發燥可服

蒲黃半兩

隔紙炒

延胡索壹兩

剉

產六

五

桂心壹分

不見火

右爲細末每服壹錢用烏梅湯放冷

調下

麒麟竭散

產後惡血攻心漸次暈悶可速服

麒麟竭壹兩

爲末

生薑半兩

切碎

右用酒壹盞同煎至捌分去滓帶熱

通口分兩服立驗

千金散

產後惡物不下或不盡腹痛可服

桂心

去皮不見火剉

葳靈仙

鐵腳者去根剉

白芷 去蘆 剉

當歸 去蘆須 洗切焙

牡丹皮 剉 各壹兩  
右同杵為細末每服貳錢煎神麴湯

調下

地黃散 產後惡物不盡腹痛可服

熟乾地黃壹兩 略炒

生薑肆兩 細切如蠅頭大於銀器或銅器或新瓦上炒令

當歸壹兩 洗去蘆須切焙

右同杵為細末每服壹大錢用生薑

產六

三

炒寢小便調下

牡礪散 產後惡露不絕可服

牡礪半兩 燒

龜甲半兩 用好醋炙黃

右為細末每服温酒調下貳錢食後服

桃仁散 產後心腹痛可服

桃仁貳錢 去皮尖并雙

蓬莪茂壹錢半 秤用慢火炮取出乘熱斫碎

桂心貳錢 不見火剉 當歸肆錢 去蘆須剉焙秤用

右為細末熱酒調下壹錢如不喫酒

只用水壹中蓋藥末貳錢煎柒分帶

熱服

川芎散

產後心腹  
痛可服

川芎

洗剉

桂心

不見  
火剉

木香

剉懷  
乾

當歸

去蘆須  
洗剉焙

桃仁

去皮尖并  
雙仁炒黃

各壹兩

右爲細末每服壹錢熱酒調下如不欲飲酒卽用水壹蓋藥末貳錢煎至柒分帶熱服不拘時候

產六

金花散

產後血暈一切腹脇  
疼痛不以虛實可服

薑黃

片子  
者剉

熟乾地黃

炒

各貳兩

肉桂

去麤皮  
不見火

牛膝

去根酒浸一宿  
剉碎焙乾用

劉寄奴

剉

虎杖

洗剉

芎藭

洗剉

赤芍藥

剉碎

蒲黃

隔紙  
炒

乾葛

勿用色  
黑者

各壹兩

右爲細末每服貳錢如疾勢輕者卽以水或酒用壹蓋煎至柒分和滓溫服重急者以豆淋酒同煎服

當歸散

產後痢可服

官桂半兩

去皮秤用生薑貳兩取自然汁塗炙令薑汁盡為度

香當歸壹分

去蘆須洗切焙

右為細末每服貳錢米飲調下未止

再服

人參散

產後虛汗發熱可服

人參

切去蘆作片子焙

當歸

淨洗去蘆切焙

各半兩

右分作兩服每用猪石子壹隻切作

捌片以灰去血水用水貳盞葱貳莖

產六

天

粳米壹合生薑參片煎壹盞去石子

等温服早晚各壹服

四神散

產後血氣心腹痛可服

人當歸

去蘆須洗焙乾用

芍藥

白者剉

再刈芎

剉各壹兩

乾薑半兩

剉炮烈

右為細末每服貳錢熱酒調下未止

香桂散

產後臍下疼痛不止可服

當歸

去蘆須洗焙

川芎

剉

各壹分

官桂半兩

去皮不見火剉

右爲末分作叁服每服酒壹盞煎叁  
五沸更入小便少許同煎至柒分温  
服甚者再服必効如不欲入酒卽以

水代之

當歸散

婦人產後血氣血刺血暈血崩  
惡露不止或虛或腫或見神鬼  
或如中風或瀉或痢或如瘧疾者其功効如  
神兼治產後一十八病唯瀉或喘本方不治

不肉桂

去麤皮  
不見火

當歸

去蘆須  
酒洗焙

芍藥

白者  
剉

乾薑

炮烈  
剉

乾地黄

湯洗剉  
焙乾

蒲黃

隔紙  
上炒

產六

无

甘草

炙

各壹兩

黑豆貳兩

炒熟  
去皮

右爲細末温酒調下貳錢日進叁服

不拘時候甚者叁服愈常服日兩服

或壹服

柿湯

產後嘔逆氣  
亂心煩可服

乾柿壹箇切碎水壹大盞煮熟熱

呷甚妙温卽再煖令熱呷喫

荆芥散

治產後一切  
難治之疾

本荆芥不以多少同煎至柒分温

右爲細末每服壹錢或貳錢溫酒調  
下立効有急疾及風候宜速爲之此  
方絕妙家中常用之產婦雖無病每  
日進壹服只用童子小便調下有急  
疾用小便酒各半調之尤佳

陳梅散

產後痢  
可服

多年白梅不以多少

右燒成灰存性研爲細末陳米飲調  
下壹大錢甚妙

產六

三

難產諸方

治產難子死腹中又姪兩兒壹生腹  
中壹死腹中死者出生者安此方神驗  
萬不失一

蟹爪壹升約伍兩

甘草肆兩

炙

阿膠叁兩

用蛤  
粉炒

右以東流水壹斗先煮貳味至叁升  
卽內膠膠洋頓服之不能一頓服者  
食頃再服若至困灌之卽活作東向



竈葦薪煮之此方與前蟹爪湯相犯唯不用桂心

治難產

榆白皮壹升切瞿麥揀淨

木通剉各叁分 牛膝去苗根酒浸壹宿剉焙乾用

大麻仁去殼各壹兩

右為麤散每服肆錢水壹中盞煎至

陸分去滓溫服頻服佳

又方

當歸貳兩去蘆須洗切焙芎壹兩剉

產六

三

右為麤散每服肆錢水酒各半中盞

煎至陸分去滓溫服頻服佳若慮胎

在腹已死者服此藥胎死即下胎活

即安神効

又方

赤小豆壹合略炒黃明膠壹兩剉

右以水壹盞煮豆令熟去滓內膠令

消溫溫頓服

又方

取馬嚼壹枚覺痛卽令產婦左手

又把之甚効

又方

取東引槐枝手執之

又方

取桃仁分破書壹片作可字壹片

吞作出字依前還合令母吞之卽產

此天真法也神効

又方

產六

三

又方

子母  
早生

子母  
早生

右收五方氣飲氣書二道用茅香湯

吞之

又方

取蓼麻子肆粒去殼水研取汁少

許塗產婦腳心中才產便洗卻并

貼臍中亦良

又方

取皂角末少許吹母鼻中令嚏其

又子便下

又方

取大豆六顆擘破書其夫姓名於

頭上以酒吞之

又方

雄虵蛻一條大者以頭按產婦臍

中自腰後左繞轉卻以尾按臍中

齒才匝便下此法極驗虵蛻在高處

數者爲雄在地者爲雌須頭尾全者

產六

逆產諸方

治逆產

吞半夏

湯洗七遍  
去滑焙乾

白歛各壹兩

右爲細末每服貳錢生薑酒調下難

產壹服橫產貳服倒產叁服兒死肆

服若胎衣不下母氣欲絕亦宜服之

每壹服如人行壹里再進加瞿麥貳

兩尤妙小產只壹服愈

又方

急以鹽和輕粉塗子腳底又急以  
小針刺子腳底卽轉覺痛驚掣入  
又卽順出

又方 臘末盪醋罈下煎  
以鹽摩母腹卽順出

又方  
當歸不以多少微炒 去蘆須洗剉焙

右爲細末温酒調下貳錢 去弊  
又方

產六

湯

又艾葉壹兩 炒

右以酒壹大盞煎至陸分去滓分作  
兩次温服立效水煮亦得

又方  
車前子不以多少

右爲細末温酒調下貳錢

又方

兔絲子不以多少 轉費

右爲細末温酒調下壹錢 又急以

又方

以手中指取金下墨交畫子足卽

順生

橫產諸方

葵子貳合

黃明膠

剉

滑石末各壹兩

右爲細末以水壹大盞半煎至壹盞

去滓分作叁服溫服

又方

逆產橫產難產胎瘦妊娠產前  
後虛損月候不調崩中皆可服

產六

三

百草霜

香白芷各壹兩

右件爲細末每服貳錢童子小便壹

茶腳許調勻以沸湯肆伍分化開服

止壹服甚者再服愈

又方

橫產逆產胎死腹中及胎  
衣不出母欲絕皆可服

半夏

熱湯燻洗七  
遍去滑焙乾

白歛

剉碎

瞿麥頭子各半兩

右爲細末每服貳錢炒生薑酒調下

又方

瞿麥壹兩

右以水壹大盞煎至陸分去滓分作

兩服溫服壹兩苗去葵子壹合

又方

牛尿不以多少

右塗母腹上卽順出

又方

蛇脫皮不以多少

右用炭火燒作灰研令極細溫酒下

產六

美

貳錢若子死腹中服之立下

胎衣不下諸方

產婦臨產先脫常着衣裳一件覆竈

頭卽無胎衣不下之厄此法極驗不可

不信也

治胎衣不下

兩大牛膝壹兩苗去葵子壹合

右搗碎以水壹大盞煎至半盞去滓

兩服溫服兩

又方 臘令熱對水盡蠶屎末煎時案  
繫罽帛燒灰酒半升調下 大蓋半

又方 臘末去更重冬鹹人變半兩煎

飲洗兒水一口立下 合黃

又方 草麻子叁粒 鼠粘子壹分 即牛

右為細末若子死腹中無藥可下即

以醋糊調藥塗在口上以紙貼之立下

又方

產六 毛

又當歸壹兩 洗去蘆須切焙乾

瞿麥 揀淨 芎藭 洗 各叁分

右為麤散以水及米醋各壹中蓋煎

至壹蓋分作叁服温服

又方

當歸 洗去蘆須切焙乾 鼈甲 酥塗炙 各叁分

右為細末先取產多婦人髮半兩燒

為灰細研入當歸末以水壹大蓋半

煎取捌分然後下盡鼈甲末煎伍朶

沸分爲叁服若數日不產子死腹中者皆可服用後如人行四五里再服又方

水銀壹彈子大

右斡開產婦口灌之扶起令坐不食頃扶起令倚立其子卽下唯臨產面青舌赤沫出欲死子猶不出并產婦已死而欲令子出者可服

治產前產後痢疾

產六

美

癩蛇蝮端午日收窹乾

右產前痢用前兩腳產後痢用後兩腳燒灰存性爲末米飲調下食前服此藥家中累曾經驗神效許學士產科方名叔微字知可

滑胎枳殼散

又商州枳殼貳兩

去穰剉作小塊麩炒

甘草壹兩

炙

右爲末每服貳錢百沸湯點服空心食前日叁服凡懷孕六七月以上卽



服令兒易生初生胎小微黑百日以  
後肉漸變白此雖孫真人滑胎易產  
方然抑陽降氣爲眾方之冠

內補圓治妊娠衝任脈虛補血安胎

熟乾地黃貳兩

剉

當歸壹兩

去蘆須洗焙乾

右細末煉蜜和圓如桐子大每服叁

肆拾圓溫酒下無時

上三方諸集皆載之在人用之如何爾  
大率婦人妊娠唯在抑陽助陰素問云

產六

五

陰搏陽別爲之有子蓋關前爲陽關後  
爲陰尺中之脈按之搏手而不絕者妊  
子也婦人平居陽氣微盛無害及其妊  
子則方閉經隧以養胎若陽盛搏之則  
經脈妄行胎乃不固素問所謂陰虛陽  
搏謂之崩也抑陽助陰之方甚多然胎  
前藥唯惡羣隊若陰陽交雜別生它病  
唯是枳殼散所以抑陽四物湯所以助  
陰故爾枳殼散差寒若單服之恐有胎

寒腹痛之疾以內補圓佐之則陽不至  
強陰不至弱陰陽調勻有益胎嗣此前  
人未嘗論及也

木香圓治婦人有孕傷食

薑參氣前

木香貳錢

剉

京三稜

慢火煨乘熱剉作片子

人參

去蘆切片焙

白茯苓各叁錢

右細末麵糊圓菘豆大每服叁拾圓

熟水下

白朮散治妊娠氣不和調飲食兩

產六

早

白朮

切作片子焙乾

乾紫蘇各壹兩

煨白芷

微炒

人參去蘆

各叁分

川芎

洗剉

訶子皮洗剉

青皮

去白

各半兩

甘草壹分

炙剉

右細末每服貳錢水壹盞薑參片煎

菜分不拘時溫服之

經云飲食自倍腸胃乃傷又云陰之所  
生本在五味陰之五宮傷在五味若任

子飲食不節生冷毒物恣性食噉致脾胃之疾故妊娠傷食難得藥唯此二方最穩

紫蘇飲治妊娠胎氣不和懷胎近上

脹滿疼痛謂之子懸兼治臨產驚恐氣

結連日不下

紫蘇莖葉壹兩

大腹皮

剪碎

人參

去蘆切片

川芎

剉開

陳橘皮

去白

產六

聖

白芍藥各半兩

當歸叁分

去蘆須切

甘草壹分

炙

右細剉分作叁服每服用水壹盞半

生薑肆片葱白朶寸煎至朶分去滓

空心服之

曾有婦人累日產不下服遍催生藥不

驗予曰此必坐草太早心懷下一懼氣

結而然非順不順也素問云恐則氣下

蓋恐則精卻卻則上焦閉閉則氣還還

則下焦脹氣乃不行矣得此藥壹服便  
產及婦人六七月子懸者子用此數數  
有驗不拾服胎便近下也

下死胎方

桂末貳錢麝香當門子壹箇同研  
煖酒服須臾如手推下比之用水  
銀等此藥不損血氣

琥珀散治婦人月經壅滯每發心腹  
臍疔痛不可忍及治產後惡露不快血

產六

聖

上愴心迷悶不省氣絕欲死

荆三稜

蓬莪茂

赤芍藥

劉寄奴

牡丹皮

官桂

削去皮不見火  
令碾爲末後入

熟乾地黄

剉焙

菊花

揀去  
枝梗

眞蒲黃

當歸

去蘆頭  
焙乾秤

各壹兩

右前伍味用烏豆壹升生薑半斤切  
片米醋肆升同煮豆爛爲度焙乾入  
後伍味同爲末每服貳錢温酒調下

空心食前服一方不用菊花蒲黃用  
烏藥玄胡索亦佳子家之祕方也若  
是尋常血氣痛只壹服產後血衝心  
貳服便下常服尤佳子前後救人急  
切不少此藥易合宜多合以救人  
佛手散治婦人妊孕五七月因事築  
磕著胎或子死腹中惡露下疼痛不已  
口噤欲絕用此藥探之若不損則痛止  
子母俱安若胎損立便逐下此藥催生

產六

聖

神妙

當歸陸兩

洗去蘆  
切片焙

川芎肆兩

剉略

右麤末每服參錢水壹小盞煎候相  
次欲乾投酒壹大盞止壹沸去滓温  
服口噤灌之如人行五七里再進不  
過參兩服便生有一方云此藥治傷  
胎去血多崩中去血多金瘡去血多  
拔齒去血多昏運欲倒者去水煎服

愈風散治產後中風口噤牙關緊急

手足痲痺

荆芥穗輕焙過壹兩

右爲細末每服貳錢溫酒調下

經驗產寶皆有之陳選方中用舉卿古  
拜貳味蓋切脚隱語以祕之也此藥委  
有奇效神聖之功大抵產室但無風爲  
佳不可衣被帳褥太暖太暖卽汗出汗  
出則腠理開易於中風便昏冒記有一  
婦人產後遮護太密閣內更生火睡久

產六

醫

及醒則昏昏如醉不省人事其家驚惶  
醫用此藥仇以交加散祝云服之必睡  
睡中必以左手搔頭覺必惺果如其言  
交加散治婦人榮衛不通經脈不調  
腹中撮痛氣多血少結聚爲瘕產後中風

生地黄伍兩

研取汁

生薑伍兩

研取汁

右交互用汁浸滓壹夕各炒黃漬汁

盡爲度末之尋常腹痛酒調下叁錢

產後尤不可關

蒲黃散治產後出血太多虛煩發渴  
眞蒲黃末每用貳錢以水調飲下  
渴躁甚者新汲水調下

護胎方治妊娠時氣身大熱令子不落  
伏龍肝爲末水調塗臍下貳寸乾  
則易瘥卽止又取井中泥塗心下  
乾則易

又方

浮萍 乾者

川朴消

產六

星

蛤粉

大黃 剉碎  
微炒

藍根各壹兩 剉碎

右爲末水調封臍上安胎解煩熱

麻仁蘇子粥治婦人產後有三種疾  
鬱冒則多汗汗則大便秘故難於用藥  
唯此粥最佳且穩

鹿屑湯治妊娠熱病胎死腹中

鹿角屑壹兩水壹碗葱白五莖豆

豉半合同煎至六分去滓溫分貳

治婦人生產數日而下及胞衣死胎不下者方

用草麻菜粒去殼研如泥塗足心  
纔下便急洗去此崔元亮海上方  
人但未知爾政和中壹鄉人內子  
產二日不下子令謾試之一塗俄  
頃便下自後常用極驗

產六

腹中不自動常作惡

薑三日不汗平合婦婦之一塗

人因未眠爾煩麻甲壹藏人內平

蘇不更意去其毒氣

其草細柴去其毒氣

不平清

治婦人生產數日而下及胞衣死胎



衛生家寶產科備要卷第七

胎孕方

人參白朮散治婦人經候不來身如病而無病脈滑大而六部俱勻必有孕也精神如故惡聞食臭或但嗜一物或大吐或時吐清水此名惡阻切勿作他疾治之

白朮壹兩

去蘆切焙

人參半兩

去蘆切焙

丁香

油者剉碎懷乾

甘草

炙

各壹分

產七

一

右爲末每服參錢水壹盞生薑叁片同煎茱分盞去滓溫服食前嘗驗之清晨意味佳自午後漸惡者是有孕無疑也



千金半夏茯苓湯治妊娠惡阻病其證心中憤悶虛煩吐噦惡聞食氣頭眩四肢百節煩疼沉重多臥少起惡寒汗出疲極瘦悴

半夏

湯泡七遍

茯苓

去皮剉碎

熟乾地黃

水略洗曬乾  
剉碎慢火焙

各壹兩貳錢

橘皮

去白

細辛

去葉

人參

去蘆切  
片子焙

白芍藥

剉

旋覆花

揀淨

芎藭

洗剉

桔梗

去蘆  
剉

甘草

炙剉各捌錢

右拾壹味為龕末每服肆大錢水壹

盞半生薑伍片煎至柒分盞去滓微

熱服

方有隨病加減及相繼合  
服茯苓圓並見千金本方

枳殼散妊娠至五月以後能順氣瘦

產七

二

胎易產

枳殼捌兩

去穰麩  
炒秤

甘草肆兩

炙秤  
剉碎

右為細末湯點貳錢空心晚食前日

兩服入月叁服

陳逍遙水酒散能治妊娠百疾安養

胎氣自伍陸箇月以後常服至產時草蓐

之間痛當減半

當歸

洗去蘆須  
切片子焙

槐角

擇淨  
炒香

枳殼

去穰  
炒

川芎

洗剉

貝母 去心薑汁製  
壹宿焙乾

右伍味等分爲細末每服貳錢水酒各半盞同煎至柒分盞食空時服臨

月日進兩叁服

檳榔散治姪娠常若胃腹脹滿兩脇妨悶飲食不下四肢無力頻服能滑胎

益氣

檳榔 剉碎 赤茯苓 去皮剉

前胡 去蘆 各壹兩

產七 三

人參 去蘆切 白朮 去蘆切

芎各半兩 陳皮 去白

枳殼 去穰 各叁分

甘草壹分 炙剉

右玖味爲細末每服貳錢水壹盞薑叁片棗子貳箇煎至柒分盞温服日

兩服

治胎不穩坐卧不得安方

木賊 去節 川芎 洗剉

右貳味等分爲細末每服肆錢水壹盞入金銀同煎至陸分盞去滓空腹溫服日叁服取效

治妊娠偶因所觸或墜高傷打致胎動不安腹中痛不可忍方

縮砂不以多少熨斗中慢火炒令熱透去皮取仁

右爲細末每服貳錢熱酒調下須臾腹中胎動處覺極熱卽胎已安

產七

四

治胎動若胎已死卽下未死卽安及

治血下心腹滿者如湯沃雪方卽用聖功川芎湯用大劑酒水各半

煎連叁服取効本方在後

千金蟹爪湯治妊娠閃撲僵仆失據胎動轉上搶心甚者血從口出逆不得

息或注下血壹斗胎死不出母氣欲絕服此母卽安血亦止當產者立下未瘥

者胎再安

蟹爪半盞以多甘草炙

桂去皮剉不見火各壹兩

阿膠壹兩剉碎用蚌粉炒炮起篩去蚌粉用

右以東流水拾盞煮前叁味至伍盞

去滓入阿膠再煮至膠洋盡頓服為

佳不能者分減服一時辰間取盡劑

己不能飲者斡開口灌之

又方治胎動及難產子死腹中若妊

兩子壹子已死壹子尙生服之能

產七 五

令死者出生者安與前千金蟹爪

湯方同唯不用桂耳

葱白湯治妊娠傷寒頭疼發熱不可

同常法治之用此藥最穩

大葱白拾莖去青連鬚用或小青連鬚用或至貳叁拾莖切碎

生薑貳兩切碎

右用水貳碗煮至壹碗去滓分兩叁

服熱服之取效快

白朮散治妊娠傷寒

白朮去蘆切黃茶剉碎

右等分剉用新瓦上炒香為細末每

服參錢水壹盞生薑參片棗子壹枚

同煎至陸分盞熟服唯四肢逆冷陰

證見者未可服

治妊娠傷寒大熱甚胎不安者方

阿膠壹兩洗剉碎以蛤粉末同炒

右為細末每服貳錢竹瀝調下卒無

竹瀝用小麦竹葉同煎湯調亦可

產七

六

治妊娠傷寒大熱令胎不落方

竈底黃土為末

右用新水調塗臍下周迴伍陸寸乾

即復塗頻頻為之熱退乃止方或用

酒及泔清調皆可

治妊娠小便卒不通方

煨茶藟葉壹兩燒灰

滑石半兩研細

右同研勻每服壹貳錢用臈茶清調

入生油貳叁點服只沸湯調亦得

又方

赤連珠甘遂

右爲末每服壹字至半錢湯調下

如喫

了藥且不得服有甘草藥半日或壹日緣二藥相反故也

產前方

榆皮滑胎散妊娠入月宜服之多往  
往坐蓐不覺胎下如未入月不可先服

榆白皮貳兩

切焙

產七

七

右爲細末每服貳錢煎糯米飲調下  
空心食前服

墨神散催生及治橫逆生服之卽順

百草霜

右爲細末每服貳錢用米醋童子小便各  
少許調成稀膏沸湯侵至陸分蓋溫服

催生桂散有三五日不能產者只壹

服再服神驗

人官桂

去皮曬乾  
不得見火

右爲細末每服貳平錢沸湯或童子

小便調下半兩

治難產或橫倒生或胎死不出母氣

欲絕方

半夏

湯泡棗  
遍焙乾

白斂

右等分爲細末每服貳錢酒調下不

能酒者湯調小難壹服橫生貳服倒

生叁服胎死肆服加瞿麥壹倍尤良

又方治應干難產胎衣不下只叁服

產七

又以蛇皮燒過或以銚子炒微黑

右研細入麝香少許用熟湯調通口

服之每服壹錢

又方

車前子

不以  
多少

右爲細末用熟湯或小便調服貳錢

又方

雲母粉半兩

右以酒調貳錢卽產不順者卽順下



易產方

當歸壹兩半

去蘆須切片焙

桑寄生半兩

揀淨

川芎壹兩

剉碎

右為麤末每服肆錢水酒各半盞煎

至陸分去滓通口服不計時

小琥珀散安胎氣調血脈應是產前

產後血氣諸疾俱能療治神效

川芎陸兩

揀顆顆如核桃肉者生剉

川當歸去尖梢蘆頭淨肆兩

好酒浸壹

產七

九

宿煨火炙令黃色不得焦候冷切細桑寄生貳兩

右焙乾搗羅為末每服貳錢水捌分

盞煎至陸分卻入好酒貳分更煎叁

兩沸溫服孕婦臨月空心壹服至臥

蓐時胎滑易生惡物亦少新血便生

臟腑自然不痛

下死胎方

半兩

朴消壹兩

右為末每服貳錢溫童子小便調下

嘗因產試之極驗

下鬼胎方婦人稱孕坐產乃不下有

經三五日者乃鬼胎也

蜀椒貳兩

去目微炒

葱貳握

桃頭枝拾肆枚

右用水壹斗煮熟乘熱傾盆器中令

婦人坐上薰蒸之當自散

治草蓐或產後血暈悶絕兼治斃死

卒死溺死縊死等謂之五絕卒中風牙

產七

十

關緊氣不通用之亦驗

生半夏壹兩

右爲細末用壹豆許蘆管吹入鼻竅

中卽甦

產後方

牛膝湯治胞衣不出令胞自爛

牛膝

酒浸壹宿控乾切碎焙乾

瞿麥

剉

各壹兩

滑石貳兩

槌碎

當歸叁分

去蘆須切片焙

通草壹兩半

切

葵子貳合半

右陸味用水玠蓋煎取叁蓋分作叁肆服

當歸建中湯治產後虛羸不足腹中病痛吸吸短氣或小腹拘急痛引腰背不能飲食凡產後壹月內服叁肆劑爲善令人丁壯古方云產前安胎四物湯產後補益建中湯者謂此也

當歸貳兩

剉去蘆秤

官桂壹兩半

剉去皮秤

白芍藥叁兩

甘草壹兩

炙

產七

十一

右爲龕末每服肆錢水壹蓋半生薑伍片棗貳箇同煎柒分蓋去滓入錫少許再煎微熱服空心食前日叁服如喜嘔人不用入錫

聖功川芎湯治產後血虛迷悶旋運


耳鳴不省人事胃膈不快惡心嘔噦化惡血生好血尤治血崩血噤亦治頭疼發熱如傷寒證者治病甚多此產家之要藥也

大芎半兩

當歸壹分

去蘆

右貳味細剉作壹劑用水壹蓋半好酒壹蓋同煎至壹蓋半分貳服如新產血未定及平常飲酒少人但只用水貳蓋煎兩箇陸分蓋卻將童子小便添成兩箇捌分蓋服之

琥珀黑神散治產婦十八惡證凡臨產宜進壹貳服能安神順胎產後雖無疾柒日內亦日進壹貳服能去諸疾歷

產七

三

驚若偶被驚恐或變證當連服取效

琥珀

別研如麵細

辰砂

別研

各貳錢

麝香

別研

好墨

燒過研

白殭蚕

炒

各壹錢

當歸末

鯉魚鱗灰

百草霜

白附子末

黑衣

卽竈額上剉掛黑塵無卽以蠶衣燒灰代

各叁錢

右拾味研勻每服貳平錢炒生薑酒

和童子小便調湯盪溫服如產後崩

中狀似雞肝寒熱閉悶或產後四肢  
浮腫及寒熱當先服此散次服通宣圓

通宣圓

巴豆壹拾伍粒去心膜生絹袋盛  
於礮灰汁中煮拾沸取出用紙厚  
裹壓於重物下出油研成霜卻取  
黑散叁錢七無灰酒調成稀膏入  
蠶器中於鐺內重湯煮令稠入巴  
豆霜和令可圓

產七

三

右圓如菉豆大每服伍圓熟水下

有村

婦用毒藥落胎不能下子爛於腹中  
臍穿時出小骨病極朱子東遂用此  
圓下枯骨一具而愈此圓頗難用須審之

喘者本方不治凡產後雖無疾日進貳  
服能調血順氣去諸疾服七日止

當歸

去蘆頭酒  
浸焙乾

白芍藥

剉

乾薑

炮烈

桂

去皮不  
見火剉

熟乾地黃

剉焙

蒲黃

紙襯鏢  
炒香用

甘草

剉

各半兩

黑豆壹兩

炒

右爲細末每服貳錢溫酒米飲童子

小便任意調服之

烏金散治產後胞衣不下或惡露不

快敗血衝心血運狂語不省人事心煩

躁渴臍腹疼痛嘔吐發熱增寒腫滿或

攻皮膚刺痛凡產後半月內雖無疾宜

日服之有疾加進

黑豆肆兩

淨擇

黃連半兩

去須剉碎

產七

西

生薑肆兩

切作錢子

當歸

去蘆頭

蓬莪茂

剉

各壹兩

櫻皮貳兩

剉開

右先下生薑黑豆炒直候薑將乾次

下黃連當歸同炒更候豆心透紫色

卽以櫻皮點火入藥鑊中與所炒藥

同燃至櫻皮成盡卽傾淨地上盆覆

之少頃取爲細末每服貳錢童子小

便調下

各半兩

黑豆壹兩

劉寄奴飲治產後惡露不快敗血上攻心胸煩躁大渴悶亂眼黑旋運或見鬼神臍腹疼痛嘔噦惡心不進飲食

劉寄奴貳兩

擇去梗草秤

當歸壹兩

去蘆頭切焙

甘草貳錢

炙剉

右為麤末每服貳錢水壹盞半生薑柒片煎至柒分盞去滓熱服凡治血暈藥須乘閑煎下以備急用

當歸一味散治產後諸疾調養血氣

產七

十五

王子亨指迷論言產後不必服他藥唯此壹散足矣

當歸叁兩

去蘆須切片焙

右為細末每服貳錢童子小便或酒調下日叁服從產下便服之

荆芥一味散治血噤中風等疾取効為快無疾服之能順氣益血清神

荆芥穗

曬乾不見火

右為細末每服貳錢童子小便調下七日後沸湯調以當飲茶甚佳

秤槌酒治產後疾最多尤治兒枕不散作痛

鐵秤槌燒通赤

右淬壹升醇酒中候酒再溫可飲飲之調當歸末服尤効

豆淋紫酒治產後中風身痙直或如角弓反張

黑豆揀緊小者淨篩壹升炒令煙出以好酒叁升浸卽漉出豆不用

產七

共

右每服壹小盞能飲者加之豆不用產婦忽患寒熱如傷寒時氣狀切不可用麻黃藥發其汗以亡津液多故也宜服四物湯加桂服之

四物湯方在後

治產後傷寒惡露不行腹脹煩悶欲死方

朴消

生

大黃

生

右等分爲細末每服貳錢取桃仁去



皮尖及雙仁者碎之濃煎湯調下以通爲度樊彥取妻熱病小產後惡露爲熱所搏不行苦腹脹煩悶枯竭舌上如生針刺鑿以朴消煎湯令漱口得稍潤用大黃煑醋調服壹大錢得通快而愈與此略同

傷寒產後惡露爲熱搏不行煩悶脹喘狂言宜服抵當湯及桃仁承氣湯龐安常用之驗指迷論亦云龐論云若服之十病十瘥

產七

七

桂心牡礪湯產後頭疼身體壯熱兼治腹內急痛

桂心壹兩半

略去皮不見火

牡礪

燒通赤

白芍藥

剉碎

熟乾地黄

焙各貳兩半

黃芩壹兩

剉碎

右件剉如麻豆每服抄肆伍大錢水

壹盞半煎至柒分盞去滓溫服

增損柴胡湯治產後虛羸發熱飲食

不進少腹脹等疾

治產後虛羸發熱飲食不進少腹脹等疾

柴胡

去苗水洗過  
控乾剉焙

人參

去蘆切  
片子焙

半夏

湯泡七遍  
切片子

甘草

炙

白芍藥

剉  
去黑

陳皮

去白  
去黑

芎

洗剉

陳皮

去白  
去黑

右柒味等分爲麤末每服肆伍錢水

壹盞半生薑伍片棗貳箇煎至柒分

盞去滓温服日兩參服不拘時

人參散治產後虛羸脾胃怯弱四肢

無力不思飲食心腹氣脹

產七

六

人參

去蘆切  
片子焙

黃耆

剉碎用蜜湯拌銚  
內慢火炒次微焙

人草豆蔻

略煨去  
皮剉

附子

炮裂去皮  
臍切片子

厚朴

削去麤皮薑製一宿  
次日取出微焙乾

各半兩

白朮

去蘆切  
片子焙

當歸

洗去蘆須  
切片子焙

木香

剉懷  
乾

川芎

洗剉

白芍藥

剉

桂

去麤皮  
不見火

白茯苓

去黑  
皮剉

甘草

炙

各壹兩

訶子皮

陳橘皮

去白

高良薑

剉碎用油  
少許炒透

各壹分半

右拾陸味爲麤末每服肆錢水壹盞  
生薑伍片棗子貳枚煎至陸分盞去  
滓溫服

治產後惡露不絕

牡礪

煨通赤

龜甲

好醋浸炙黃

右等分爲細末每服貳錢酒調下

治產後洞泄不禁下青黑惡物神驗

方

泄瀉者惡露必不行益血滲入大腸爲瀉也分過則愈

荆芥肆伍穗大者烘乾

產七

五

右於乾盞中燒成灰

不得犯油火

入研了

麝香壹米粒許用沸湯壹兩呷調下

藥微而能愈大病奇効不可言

治產後下痢赤白膿血方

白芍藥

剉

熟乾地黃

焙

各貳兩

阿膠

剉用蛤粉末同炒泡起篩去粉

艾葉

揀淨剉碎

當歸

去蘆須切片子

甘草

炙

各壹兩

右爲麤末每服陸錢水貳盞煎至捌

分盞去滓溫服

若產後大便頻腹疼如痢狀者傷於

食也宜服食藥感應圓為佳他亦可

用產前飲食不著未久而產產後亦成痢狀不必推求產後食飲多少也

治吹妳腫硬須急用手忍疼毒揉之可

散不尔當成乳癰宜服此藥

皂莢

燒存性 研細

蛤粉

右等分研勻温酒調下半錢未散稍

加服藥次仍以手揉之

治吹妳或兒絕妳後腫痛不可忍方

產七

子

括萇壹箇

去皮先取子研破殼次同穰爛研

右以酒漬同熬數沸去滓浸冷酒和

令可飲隨量飲之令微醉睡醒痛當

頓除去

萬金散治妳癰已破兼治發背腦疽

瓜萇壹箇

去皮 細剉

生甘草半兩

沒藥壹分

令研

右同研用酒玖盞石器中熬至參盞

分參服疾輕者只壹服効本注云已

救活數百人

通用四物湯治婦人女子月事或多或少

少或前或後妊娠腹痛胎氣不安產後血塊不散或亡血過多或惡露不行凡婦

人之疾無不主治本方及加減法如後

當歸

去蘆須切片焙

川芎

洗剉

熟乾地黄

切焙

雪白芍藥

剉

右等分爲麤末每服肆錢水壹盞半煎至捌分盞澄取陸分清汁帶熱服

產七

三

平常產乳服至參臈虛弱人服至壹

月○妊娠下血加艾伍柒葉阿膠末

抄壹錢

此每服也

若疾勢重大小料未効

當以肆味各半兩細剉不搗以水肆

盞煎取貳盞半去滓分肆服壹日之

中令盡爲度未効再服隨疾加減用

藥○因虛致熱熱與血搏口舌乾渴

加括糞壹兩麥門冬叁分○腹中刺

痛惡物不下加當歸芍藥各壹分○

血崩加地黃蒲黃各壹兩○因熱生風加芎壹分柴胡去苗半兩○身熱脉燥頭昏項強加柴胡去苗并黃芩各半兩○秘澁加大黃半兩桃仁壹分去皮尖炒○泄瀉加桂附子壹分○嘔加白朮人參各半兩○腹脹加厚朴枳實各壹分○發寒熱加乾薑牡丹皮芍藥各壹分○虛煩不得眠加竹葉人參各壹分○煩躁大渴加知母

產七

三

石膏各半兩○水停心下微吐噦加豬苓茯苓防已各壹分○虛寒狀類傷寒加人參柴胡防風各叁分此此活人書加減法也大抵四物湯合爲婦女要藥無所不治稍知藥性者皆可隨病加減治血方未有不本本此湯因而增損以成者近時名醫有加香附子功用殊勝又有加血蓬莪茂官桂各半兩名六合湯治

經血凝滯潮熱腹中癰塊疼痛尤快皆以意加之也

追命散治婦女血癥積聚疼痛漸致經候隔絕稍失醫治便成勞瘵又治產婦危惡變證胎死上衝悶運欲絕及產後血運他藥所不能救者又治打撲傷損筋斷骨折及破傷風凡此等疾證候危惡醫工縮手無藥可治此能治之有起死返魂之功雖其人氣已死但心頭

產七

重

尚暖者灌之藥下咽可以再生

先用前半夏吹

鼻法然

後下藥神功異効不可具述

半兩錢肆伍拾文多尤佳

乃古文中錢中上

作半兩字者錢有大小皆可用錢中常有之

火煨通赤

淬醞醋中不計次數於醋底淘取淬下碎銅末研之麤礙乳鎚者去

之別以水淘澄取如粉者紙上滲

乾秤貳錢壹字

煨錢之法取小鐵鎖莖貫錢入爐生

炭擁之候通赤以二鐵手鉗用一鉗出火一鉗夾鎖莖腦倒錢入醋

中鐵物勿著醋恐淬下鐵屑也再取錢水洗過上鎖莖再煨之如是數次錢色如銀卽無可煨矣本方用銅線穿煨入火便斷極費力不可用

巴豆去皮殼心膜秤參錢半用酸漿水

壹盞煮至水欲盡焙乾研如泥

大黃錦紋緊實者取捌錢用小便浸柴日

每日壹換日足濕紙裹煨熟薄切焙乾為末秤取參錢半

羊脛炭卽炭中圓細緊實如羊脛

骨者取參肆寸卻作拾餘段別以

着炭同燒通紅淬入醇酒中如是

產七

舌

七遍烘乾為末秤取半兩

右肆味合和搗數千杵乾瓷罐子實

築臈紙密封收高燥處每壹服壹字

至半錢濃煎當歸酒和小便調下消

詳之傷折卽全用酒多飲不妨若產

婦血未定及素飲酒少人卽姑少借

酒力行藥多以童子小便下之可也

此藥累立奇効治者數人皆垂死而

復活已折而復續轉以與人所濟又



不知數難產悶絕而復蘇者余今妻是也故知此藥爲最審傳者幸勿疑其瞑眩蓋不如此則不足以當奔敗之血且疾勢旣危固非平劑之所能愈也服藥後或如霍亂狀勿恠少選當自定下利甚者用前燒荆芥法止之此皆手試而親驗者故併錄以傳

大抵此藥性緊非大危急不可妄服

此藥難成非素備

不可得也每遇有妊娠將產必合壹

產七

五

料以備用往往常有餘劑藥成或轉以與親識之喜蓄藥者故此藥所濟爲多陸子正題

婦人免蓐命如垂縷臨時濟急全藉藥石之功方書所載雖已詳備倉猝之際非唯泛濫難於檢尋且莫知其孰爲効驗者妄投一藥則不可復療余得此本皆撮諸家精要之方累試累驗乃廬倅陸子正手抄之書也唯

親舊間可以傳之他人不可得而見  
余雖不欲秘藏而傳本未免訛繆其  
爲害豈淺耶今重校證庶幾危急之  
時閱此方如指諸掌也嘉禾寓菴周  
澂題

產七

五

衛生家寶產科備要卷第七

嘉禾寓菴周澂

魚書豈與耶今重校證庶幾危急之

余雖不欲秘藏而傳本未免訛繆其

爲害豈淺耶今重校證庶幾危急之

衛生家寶產科備要卷第八

形初保育

小兒初生將護法

巢氏病源小兒始生肌膚未成不可暖  
衣暖衣則令筋骨緩弱宜時見風日若  
都不見風日則令肌膚脆軟便易損傷  
皆當以故絮著衣莫用新綿也天和暖  
無風之時令母將抱日中嬉戲數見風  
日則血凝氣剛肌肉硬密堪耐風寒不  
致疾病若常藏在幃帳之內重衣溫暖  
譬如陰地之草木不見風日軟脆不任  
風寒又當薄衣薄衣之法當從秋習之  
不可以春夏卒減其衣不則令中風寒  
從秋習之以漸稍寒如此則必耐寒冬  
月但當著兩薄襦一複裳耳令不忍見  
其寒適當佳耳愛而暖之適所以害也  
又當消息無令汗出汗出則致虛損便  
受風寒晝夜寤寐皆當謹之其飲乳食

哺不能無痰癖常當節適乳哺若微不  
進切當將護之凡不能進乳哺則宜下  
之如此則終不致寒熱也又小兒始生  
生氣尙盛無有虛損微惡則須下之所  
損不足言及其愈病則致深益若不時  
下則成大疾疾成則難治矣其冬月下  
之難將護然有疾者不可不下夏月下  
之後腹中常當小脹滿故當節哺乳將  
護之數日間又哺哺之當令多少有常

產八

二

劑兒稍大食哺亦當稍增若減少者此  
是腹中已有小不調也便當微將藥勿  
復哺之但當乳之甚者十許日輕者五  
六日自當如常若都不肯食哺而但飲  
乳者此是有癖爲疾重要當下之不可  
不下不下則致寒熱或吐而發癩或致  
下利此皆病重不早下之所爲也則難  
治先治其輕時兒不耗損而病速除矣  
小兒所以少病癩者其母懷娠時時勞

役運動骨血則氣強胎養盛故也若侍御多血氣微胎養弱則兒軟脆易傷故多病癩兒背須著帽項衣取燥菊花爲枕枕之兒母乳兒三時摸兒項風池若壯熱者卽須熨使微汗微汗不差便灸兩風池及背第三椎第五椎第七椎第九椎兩邊各二壯與風池凡爲十壯一歲兒七壯兒大者以意節度增壯數可至三十壯唯風池特令多十歲已上可

產八

三

百壯小兒常須謹護風池諺云戒養小兒謹護風池風池在頸項筋兩轉之邊有病乃治之疾微謹不欲妄針灸亦不用輒吐下聖惠乃云立夏後疾謹不欲妄針灸亦不欲輒吐下以然者針灸傷經絡吐下動腑藏故也但當以除熱湯浴之除熱散粉之除熱赤膏摩之又以臍中膏塗之令兒在涼處勿禁水漿常以新水洗新生無疾謹不可逆針灸逆針灸則忍痛動其五脉

喜因成癩河洛間土地多寒兒喜病癩其俗生兒三日喜逆灸以妨之又灸頰以防噤有噤者舌下脉急牙車解急其土地寒皆決舌下去血灸頰以治噤江東地溫無此疾古方既傳有逆針灸之法今人不詳南北之殊便按方用之多害於小兒是以田舍小兒任自然皆得無此夭又云春夏決定不得下小兒所以爾者小兒腑藏之氣軟弱易虛易實

產八

四

下則下焦必虛益上焦生熱熱則增痰痰則成病自非當病不可下也小兒退千金論生兒宜用其父故衣裹之生女宜以其母故衣皆勿用新帛爲善不可令衣過厚令兒傷皮膚害血脉發雜瘡而黃兒衣綿帛特忌厚熱謹之謹之其聖惠論凡小兒一暮之內造兒衣裳皆須用故綿及故帛爲之不得以綿衣蓋於頭面冬天可以衾衣蓋頭夏月宜用

單衣皆不得著面及乳母口鼻吹著兒顛凡綿衣不得太厚及用新綿令兒壯熱或卽發癘特宜謹之也

自然風水

聖惠論凡兒匍匐已後逢物卽喫奶母雖至細意必亦不能盡覺春夏必飲滯水冷物至秋初便皆疾作初則多啼不食或好伏地面色青黃或時腹痛旣不解說唯反拗多啼或逢水漿便喫不可制止或睡中驚啼或大便秘澀常人唯

疳入

五

知與紅雪鈎藤飲子此二藥終日在口然自不見其效況腹中滯結已多冷熱衝擊頗久二藥何能排去所以得秋氣風吹着背心腳心便成瘡痂庸醫與冷藥則傷滑不禁與澀藥則氣壅不行傷損藏腑益令不食遂使虛熱衝上面黃髮焦滯惡在內手足如火自然風水橫溢四肢便腫如此將養十無一存但每經春夏不問有病無病便須與四味飲

子多不三四劑卽康強也  
嬰孺論凡兒所以風者衣暖汗出風因  
而入也

張渙論嬰兒生後兩滿月卽目瞳子成  
能笑識人乳母不得令生人抱之及不  
令見非常之物百晬任脉生能反復乳  
母當存節喜怒適其寒溫半晬尻骨已  
成乳母當教兒學坐二百日外掌骨成  
乳母當教兒地上匍匐三百日臄骨成  
乳母當教兒獨立周晬膝骨已成乳母  
當教兒行步上件並是定法蓋世之人  
不能如法存節往往抱兒過時損傷筋  
骨切宜謹之爲吉

張渙論嬰兒冬月但當着夾衣及衲衣  
之類極寒卽漸加以舊綿人家多愛子  
乃以綿衣過厚適所以爲害也

張渙論嬰兒須看稟受南北之殊用藥  
蓋地土寒溫不同此古人之最爲謹也



嬰童寶鑑論孩子春勿覆頂裹足致陽氣亡出故多發熱衣物夜露多生天癩三歲之中勿太飽勿太飢臥須覆肚食須飲水漿若能如此者則子少患而無天傷矣

昔以粟普濟內飲用  
萬全方論田舍婦人產育皆不知小兒初生將護之法所養有絕無他疾者譬之凡草凡木生於深山大澤之中容易合抱至於奇材異果縱加培擁間有不

產人

七

秀實者此豈貴賤之理有異哉蓋天之於物出於自然古人亦云小兒始生肌肉未成不可暖衣卽令筋骨緩弱宜見風日若都不見風日卽令肌膚脆軟便易傷損皆以絮著衣內勿用新綿天氣和暖無風之時令乳母抱兒日中嬉戲數見風日卽血凝氣剛肌肉硬密堪耐風寒以田舍小兒較之此說尤長

擇乳母法

千金論乳母者其血氣爲乳汁也五情善惡悉是血氣所生也其乳兒者皆宜謹於喜怒夫乳母形色所宜其候甚多不可求備但取不胡臭癭癭氣嗽癩疥癧癰白禿癭瘍瀦腎耳聾髑鼻癩癩無此等疾者便可飲兒也但見其故灸癧便知其先疾之源也

### 乳兒法

聖惠論凡爲乳母皆有節度如不禁忌

產八

八

卽令孩子百病並生如是自曉攝調可致孩子無疾長壽是以春夏切不得衝熱哺孩子必發熱疳并嘔逆秋冬勿以冷乳哺孩子必令腹脹羸瘦乳母愠怒次不得哺孩子必患狂邪乳母醉後不得哺孩子必患驚癇天癩急風等病乳母有娠不得哺孩子必患胎黃及脊疳乳母有疾不得哺孩子必患癩癰風病乳母吐後不得哺孩子必令嘔逆羸瘦

乳母傷飽不得食子必致多熱喘急  
乳母雜忌法

聖惠論乳母忌食諸豆及醬熟麵韭蒜  
蘿蔔等可與宿糞羊肉鹿肉野雞鴈鴨  
鯽魚葱薤蔓菁蒿芭菠稜青麥苕蓬冬  
瓜等食若兒患疳卽不得食羊肉及魚  
又不得油膩手襖裹及抱兒又不得以  
火炙襖襪熱時便與兒著令孩子染熱  
病始終須謹大抵冬中切宜戒之若天

產入

九

大寒以火炙衣被且拋向地上良久熟  
授之冷暖得所卽與孩子襖之無妨如  
乳母有夫不能謹卓者切須防備儻新  
有過犯氣息未定便卽乳兒者必能殺  
兒未滿月內所驅使人亦不得令有所  
犯到於兒前惡氣觸兒兒若得疾必難  
救療也

哺兒法

姚和眾云小孩初生七日助穀神以導

達腸胃研粟米煑粥飲厚薄如乳每日  
研與半粟殼  
錢乙云小兒多因愛惜過當往三兩歲  
猶未與飲食致脾胃虛弱平生多病自  
半年以後宜煎陳米稀粥取粥面時時  
與之十月以後漸與稠粥爛飯以助中  
氣自然易養少病惟忌生冷油膩甜物  
之類

浴兒法

產入

十

千金論凡浴小兒湯極須令冷熱調和  
冷熱失所令兒驚亦致五臟疾也凡兒  
冬不可久浴浴久則傷寒夏不可久浴  
浴久則傷熱數浴背冷則發癩若不浴  
又令兒毛落新生浴兒者以豬膽壹枚  
取汁投湯中以浴兒終身不患瘡疥勿  
以雜水浴之兒生三日宜用桃根湯浴  
桃根李根梅根各三兩枝亦得咬咀之  
以水叁斗煮二十沸去滓浴兒良去不

祥令兒終身無瘡疥治小兒驚辟惡氣以金虎湯浴金壹斤虎頭骨壹枚以水叁斗煮爲湯浴但須浴卽煮用之

拭兒口法

千金論曰小兒初生先以綿裹指拭兒口中及舌上青泥惡血此謂之玉衡若不急拭啼聲一發卽入腹成百病矣千金翼云成痞病死聖惠論凡兒初飲乳後以髮纏指沾清

產入

十一

水點拭了看齒根上有黃筋兩條便以葦刀子割斷點豬乳便差如兒口難開但先點豬乳自開小兒集驗方云小兒初生每日以井華水或微溫水將潔靜舊軟帕子裹乳母手指蘸水撩拭小兒口中因而捺舌及兩頰令稍寬舒卽不生口瘳積熱風疾等病京畿與山東人多能之謂之捺兒口拭畢仍用少研細入麝香乾坯子烟

脂塗口中令兒美乳食

小兒集驗方云東平有一老嫗善與小兒拭口使不生鍊銀云小兒上下脣與齒斷相連處皆有一筋牽引若上脣筋緊卽生上煉下脣筋緊卽生下煉上煉生瘡滿頭或生眉間如有癬狀瘙痒不已時復流出黃汁汁至處又生瘡若下煉則起腰背漸至四肢亦如癬狀亦瘙痒黃汁不已若疾盛不治或頭面上下

產入

三

相通累年不較又咬折或成大疾惟是每日早晨取溫水壹盞令其乳母以故軟潔靜帕子包手第二指蘸溫水拭兒口水巾道下又拭又捺使兒口中淨及捺上下筋令寬舒卽小兒自美乳食諸疾不生亦永無煉銀惟便筋寬舒是法京畿見小兒失捺變爲口噤不喫奶或不解捺而生煉銀者不可勝數

斷臍法

千金論曰凡斷臍不得以刀子割之須令人隔單衣物咬斷兼以暖氣呵七遍然後纏結所留臍帶令至兒足跌上短則中寒令兒腹中不調常下痢若先斷臍然後浴者則臍中水臍中水則發腹痛其臍斷訖連臍帶中多有蟲宜急剔撥去之不爾入兒腹成疾斷兒臍者當令長陸寸長則傷肌短則傷藏若不以

產人

三

時斷及授汁不盡則令暖氣漸微卽自生寒令兒臍風良則如來神效藥書論  
嬰童寶鑑論小兒斷臍云凡小兒生下可先浴而後斷臍及可以衣襯而口齧之不然則刀斷如刀斷者則以剪刀先於懷中厭令暖方用又斷之則臍帶不可令長只如子足長短短卽中寒而傷藏長卽傷膚先斷而後洗卽令水入臍中孩子多天病痛苦啼叫面青黑爲中

水患也臍若短卽腹中不調常下痢有中寒之患其臍不可傷動傷動卽令久不乾如不乾卽傷外風傷外風卽口噤小兒不可救也

祕要指迷論曰嬰兒初生剪去臍帶切令剪刀煖不可傷冷及外風所侵其

### 灸臍法

聖惠云小兒生一宿抱近明無風處看臍上有赤脈直上者當時於脈盡頭灸

### 產八

西

三壯赤散無患矣

### 聖惠裏臍法

千金論凡裏臍法椎治白練令柔軟方四寸新綿厚半寸與帛等合之調其緩急急則令兒吐覘兒生二十日乃解視臍若十許日兒怒啼似衣中有刺者此或臍燥還刺其腹當解之易衣更裏裏臍時閉戶下帳燃火令帳中溫暖換衣亦然仍以溫粉粉之此謂冬時寒也若



臍不愈燒絳帛末粉之若過一月臍有

汁不愈燒蝦蟨灰粉之日三四度

千金翼云

燒蝦蟨灰治末粉臍中又云若臍未愈乳兒太飽令兒風臍也若臍中

水及中冷則令兒腹絞痛天糾啼呼面

目青黑此是中水之過當炙粉絮以熨

之不時治護臍至腫者當隨輕重重者

便灸之乃可至八九十壯輕者臍不大

腫但出汁時時啼呼者擣當歸末和胡

粉傅之灸絮日熨之至百日愈以啼呼

產八

五

止爲候若兒糞青者冷也與臍中水同

甘草法

葛氏肘後方小兒新產出未可與朱蜜

取甘草如中指節炙碎以水貳合煮取

壹合以纏綿點兒口中可得一蜺殼止

兒當便吐胃中惡汁此後待兒飢渴更

與之若兩服並不吐盡壹合止若得吐

惡汁兒智惠無病

黃連法

小兒集驗方云凡小兒初生必有惡汁留於胃次若不消去卽胃膈壅塞易生蘊熱驚癇瘡癤皆由此也故小兒纔生一臘之內用好肥黃連數塊槌碎每少許厚以綿包裹如妳頭狀湯內浸成黃汁時復拈搥一二點在小兒口內卽惡汁自下乳食便美其後或間以朱蜜與之若見惡汁已下卽已有只用空綿包別浸黃連蘸苦汁與之者

產人

去

### 豬乳法

千金論曰凡新生小兒一月內常飲豬乳大佳

聖惠法凡取豬乳須令豬兒飲母次便提豬兒後腳起離乳急捋之卽得空捋無由得汁

張渙論嬰兒初生滿月內常時時旋取豬乳滴口中最爲佳矣

藏衣法

外臺崔氏凡藏兒衣法兒衣先以清水洗之勿令沙土草污又以清酒洗之仍內錢壹文在衣中盛於新瓶內以青帛裹其瓶口上仍密蓋頭且置便宜處待滿三日然後依月吉地向陽高燥之處入地叁尺埋之瓶上土厚壹尺棗寸唯須牢築令兒長壽有智惠若藏衣不謹爲豬狗所食者令

產八

七

兒癩狂蟲蟻食者令兒病惡瘡犬鳥食者令兒兵死近社廟傍者令兒見鬼近深水洿池令兒溺死近故竈傍令兒驚惕近井傍者令兒病聾盲弃道路街巷者令兒絕嗣無子當門戶者令兒聲不出耳聾著水流下者令兒青盲弃於火裏者令兒生爛瘡著林木頭者令兒自絞死如此之忌皆

須一謹之

外臺崔氏又安產婦及藏衣天德月空法

正月天德在丁月空在丙壬藏之

二月天德在坤月空在甲庚向巽

三月天德在壬月空在丙壬藏之

四月天德在辛月空在甲庚藏之

五月天德在乾月空在丙壬藏之

六月天德在甲月空在甲庚壬

七月天德在癸月空在丙壬藏之

八月天德在艮月空在甲庚藏之

產八

末

九月天德在丙月空在丙壬藏之

十月天德在乙月空在甲庚藏之

十一月天德在巽月空在丙壬藏之

十二月天德在庚月空在甲庚藏之

凡藏兒衣皆依此法天德月空處埋

之若有遇反支者宜以衣內新瓶盛

密封塞口掛於宅外福德之土向陽

高燥之處待過月然後依法埋藏之

大吉

外臺崔氏又法甲寅旬日十日不得藏  
埋兒衣以瓶盛密封安置空處度十  
日卽藏埋之  
外臺崔氏又法甲辰乙巳丙午丁未戊  
申此五日亦不藏兒衣還盛瓶中密  
塞勿令氣通掛著兒生處過此五日  
卽埋之亦不得更過此日

外臺崔氏又法甲乙日生兒丙丁日藏  
衣吉丙丁日生兒戊巳日藏衣吉戊

產八

九

巳日生兒庚辛日藏衣吉庚辛日生

兒壬癸日藏衣吉

子母祕錄藏衣法先用壺罐盛兒衣先

以清水洗次以清酒洗次入大豆壹

合次小豆壹合次城門土市門土獄

門土葱園中土韭園中土各壹合重

重覆之上用五色帛各壹尺伍寸重

重繫罐口上用鐵券朱書云大豆某

胡去無辜小豆厯厯去子癘城門土

見公卿市門土足人行獄門土辟盜  
兵葱韭園土剪復生與兒青令兒壽  
命得長生與兒赤令兒身命皆清吉  
與兒白令兒壽祿皆千百與兒皂令  
兒長壽不衰老與兒黃令兒清淨去  
百殃急急如律令將此令於壹尺貳  
寸鐵葉上先用淨墨塗遍上以朱砂  
寫此語令在上置在罐口上且放便  
處待滿三日然後於月吉向陽高燥

產八

子

之處入地叁尺埋之罐土令土厚壹  
尺柒寸唯須牢築使兒長壽有智慧

子七 剃頭法

外臺崔氏初剃兒頭良日

寅丑日吉 亥未日凶

集驗方京畿初剃小兒頭不擇日皆於  
滿月日剃頭蓋風俗所尙前此產婦  
未得出房滿月卽與兒俱出以謂胎  
髮穢惡多觸神竈小兒不安故此日

必剃頭而出剃頭於溫暖避風處剃之剃後須以生油杏仁膩粉頭上擦之以辟風邪其後小兒剃頭亦宜用此禳謝法

外臺崔氏禳謝法

軒轅者乾神天丞相使者風伯犯之風令兒驚吐可取梨枝陸寸埋生處

大吉

雷公者震神太陰使者天馬犯之令

產八

三

雷兒煩悶腹滿解之以三屠家肉爲餅於產處謝之大吉

咸池者坎神天之雨師使者犯之令神兒啼不止用羊脯酒於生處謝之

豐隆者艮神天之東明使者天僕也

害氣犯之令兒乍寒乍熱大腹以

白魚貳枚於生處謝之又大豆壹

升投井中亦大吉

招搖者坤神天上使者犯之令兒驚

空嚼不止以酒餅生處謝之卽愈  
天候者巽神天一執法使者犯之令  
外兒腹脹張眼以白魚貳枚於生處  
謝之吉

吳時者離神天一將軍遊擊使者犯  
之令兒驚腹痛用馬脯伍寸於生  
處謝之吉又以白魚伍枚并棗餅  
埋其生處吉

大時吉兌神小時北斗使者犯之令

產八

三

大兒腹脹下痢解之以酒脯於生處  
謝之又以大豆壹升投井中吉

犯月殺者令兒驚啼用丹雄雞血於  
生處謝之吉

犯白虎者用稻米壹升雞子叁枚於  
生處謝之吉黍米亦得

犯大夫者用羊肝叁枚及稻米壹升  
於生處謝之吉又用雞羝羊脾黍  
米亦得



犯日遊者令兒口噤色變欲死者用  
三屠家肉麥飯於生處謝之吉

初生不作聲

千金論云兒生落地不作聲者取暖水  
壹器灌之須臾當啼又云兒生不作聲  
者此由難產少氣故也可取兒臍向身  
卻搗之令氣入腹仍呵之至百度啼聲  
自發亦可以葱白徐徐鞭之卽啼兒始  
生卽當舉之遲晚則令中寒腹內雷鳴

產八

三

乃先浴之然後斷臍

初生不喫奶

巢氏病源小兒難乳候凡小兒初生看  
產人見兒出急以手料拭兒口無令惡  
血得入兒口則兒腹內調和無有病疾  
若料拭不及時則惡血穢露兒咽入腹  
令心腹痛滿短氣兒不能飲乳謂之難  
乳又兒在胎之時母取冷過度冷氣入  
胞令兒着冷至兒生出則喜腹痛不肯

飲乳此則胎寒亦名難乳也

初生吐不止

錢乙論初生下拭掠兒口中穢惡不盡咽入喉中故吐凡初生急須拭掠口中令淨若啼聲一發則咽下多生諸病

初生有懸癰病

蓋箱小兒未前

千金論曰小兒出腹六七日後其血氣收斂成肉則口舌喉頰裏清淨也若喉裏舌上有物如蘆箠盛水狀者名懸癰

產八

舌

有脹起者可以綿纏長針留刃處如粟米許大以刺決之令氣泄去青黃赤血汁也一刺之止消息一日未消者來日又刺之不過三刺自消盡餘小小未消三刺亦止自然得消也有着舌下如此者名重舌有着頰裏及上齶如此者名重齶有着齒斷上者名重斷皆刺去血也

初生有重舌

巢氏病源小兒重舌候小兒重舌者心

脾熱故也心候於舌而主於血脾之絡  
脉又出舌下心火脾土二藏母子也有  
熱卽血氣俱盛其狀附舌下近舌根生  
形如舌而短故謂之重舌

葛氏肘後治卒重舌方

用燒蛇蛻皮爲末唾和塗舌上卽  
差又用釜下土苦酒和塗舌上

巢氏病源小兒噤候小兒初生口裏忽

產八

五

結聚生於舌上如黍粟大令兒不能取  
乳名之曰噤此由在胎時熱入兒藏心  
氣偏受熱故也

長樂朱端章以所藏諸家產科

經驗方編成八卷刻版南康郡

齋淳熙甲辰歲十二月初十日

衛生家寶產科備要卷第八

